

جَزَائِرِ حَاكِمَتِ

جمہ ایتسی

نومرو ۱۰۰۰ رجب ۱۱ سنہ ۱۳۱۶ تشرین ثانی سنہ ۱۴ صحیفہ ۱۴۳۹۷

(اشہر غزتہ بہر ہفتہ جمہ ایتسی کونتری جبقار . سنہ لکی درسعادت ایچونہ مجبیرہ بکری فروسہ)
(مسایید القسہ فرودشدر . طشرہلر ایچونہ اولہ بسہ فروسہ یوسہ اجمرنی ضم اولنور . بہر)
(نفسہ سی یہ مجبیرہ بکری فروسہ اولوہ اوزرہ یوزیارہ ہریردہ صایلور . درج اولہ جوبہ اعوانانک)
(ہریرندہ برمجیرہ افند اولنور . سنہ لکہ مشتری اولوہ استیاندر ہرلیہ نظارتی دارہ سندہ ٹاشہ ہریردہ)
(محاکم ادارہ سنہ مراجعت ابولیدر .)

قسمت سہمی

بعضیلری کندولرینہ محول اولان مواد جنانیہ نک
اکثرندہ تحقیقات سطحیہ اجراسیلہ منع محاکمہ
قرارلری اعطایتمکدہ وبوقرارلرہ مدعی ہومیلر
طرفدن اعتراض ومحاکم منہ بورہ جزادائرہ لری
مقرراتندن دخی شایان استیناف اولنلری استیناف
ایدلامکدہ اولدینی کی استیناف جزادائرہ لرندن
صادر اولان اعلاماتک تمیزاً ندقبتی اقتضا ایدنلردن
برقسی حقندہ مدعی ہومیلر جانبندن استدعای
تمیزدہ بولنلدینی وبر جرم اخیر ایلہ ارباطدن
ناشی ہیئت اتہامیہ کوندریلان لزوم محاکمہ

(فی ۱ جب سنہ ۳۱۶ وفی ۳ تشرین ثانی)
(سنہ ۳۱۴ تاریخیلہ بالجلہ ولایات استیناف)
(محکمہ سی مدعی ہومیلرینہ ومدعی ہومی)
(بولنمیان محللرمدعی ہومی معاونلرینہ یازیلان)
(تحریرات عمومہ صورتیدر :)

طشرہ بدایت محکمہ لری مستنطقلرنلین

قرارنامه لرینك ده هیئت مذكوره جه فسح ایدیلرلك منع محاكمه قرارى اعطا قلندینی خبر ویریلور بیاندن مستغنی اولدینی اوزره مستنطقلرك وظیفه سی حقیقت حاله وصول ایچون لازم کلان تدابیر تحقیقیه بی اتخاذ ایتك یعنی یا حقنده جرم اسناد اولنان شخص علیهنده عند تحقیقات دلائل و امارات تحصیل اوزرینه انی مرجع قانونیسنه کوندرمك یاخود اسناد اولنان جرمی مظنون علیك ارتکاب ایلدیکنه دائر برکونه دلیل و اماره کورلدیکی حالده منع محاكمه قرارى ویرمکدرکه بواکی نتیجه نك حصولی تحقیقاتك وعلی الخصوص اك اساسی معاملات تحقیقه دن اولان استنطاقك کال دقت واعتنا ایله اجراسنه متوقفدر یوقسه تحقیقات احکام قانونیه دائره سنده مکملأ ایفا اولمیبوده مظنون علیه ادعاقلان فعلی کندوسنك اقباع ایلدیکی اثبات اولنور ایسه نه دیه جکی طرزنده و بوکا مماثل اسئلہ سطحیه ایرادیله یکشیدیرلدیکی تقدیرده حقیقت حاله وصول غیر قابل و بو صورت حقوق عمومیه و شخصیه نك ضیاعدن وقایه سنه حائل اولور بناء علی ذلک مستنطقلرك هر بر جهت تحقیقیه بی نظر دقتدن دور طوتمیوب بحق تعقیق ایتلری مقتضی و عکس حالک حقلمنده اقتضاسنه کوره معامله قانونیه

ایفاسنی مستلزم اوله جنی بدیدر مدعی عمومیلک هیئت لرینك تشکیلی دخی حقوق عمومیه نك محافظه سیله احکام قانونیه نك حسن جریانیه دقت مثلاً تأمین عدالته حادم اولان ایکی مقصده مستند اولوب بو مقصدلرك حاصل اوله ییلسی ایسه از جمله مدعی عمومیلرك تعقیب ایتدکاری بر فعل ممنوع حقنده توسیع تحقیقات و استحصال دلائل و امارات ایچون مستنطقلره قارشو بیان مطالعات و مطالباته و اوله نقصان تحقیقات اوزرینه ویریلان قرارلردن طولانی مدت قانونیه سی ظرفنده مرجع قانونیسنه خطاباً سرد اعتراضات ایله برابر شاید بدایت مدعی عمومیسنك حق اعتراضه عائد مدت قانونیه مرور ایتش ایسه مافوق مأموریتلرنجه اولباده کی اوراقك جلب و تدقیق ایله اعتراض حقنك محافظه سنه واستینافی لازم کلان احکام ابتدائیه دن ناشیده استیناف دعویاه استیناف دائره سندن صادر اولان حکملری حاوی اعلامندن ایجاب ایدن لرینك منع و لزوم محاکمه قرارینی محتوی اولان بر مستنطق قرارنامه سنك منع محاکمه جهته اعتراض اولندینی حالده لزوم محاکمه قرارینك دخی فسحنی متضمن اولان هیئت اتهامیه مضبطه لرینك تمیزاً تدقیقی استدعایه وابسته وشو معامله نك

جریان ایتدیر یله ییلسی دخی اوراق تحقیقیه نك هر درجه ده بولسان مدعی عمومیلرجه لایقیله تدقیقه و محاکمات اثناسنده حاضر بولنان مدعی عمومی و یا معاونی طرفندن اسباب اتهام و محاکمه نك حقیقه تشریح و تصویرینه و خصوص مدعابه حقنده اجرا قلنان تحقیقات و محاکماتدن استنباط ایدیلان دلائل و اماراتك برر برر تعداد ایدیلرلك تشکیل ایدم جکری قناعت وجدانیه دائره سنده نتیجه مدعایرینك تقریرینه منوط ایدوکی قید و اشارتدن وارسته اولوب اشبو وظائف قانونیه نك ایفاسنه رعایت ایدلیوبده یالکر اوراق تحقیقیه و ادعا و اتهامنامه لر مندرجاته و جریان ایدن محاکمه نتایجنه عطفاً مطالعه و مدعا بیانیه اکتفا قلنور و نقصان تحقیقاته و مفسوحیت حکمنی مستلزم خطیاته مستند اولان مقررات و احکام ابتدائیه و استینافیه حقنده حقوق اعتراضیه و استینافیه و تمیزیه نك استمالندن صرف نظر اولنور ایسه حقوق عمومیه نك محافظه سیله احکام قانونیه نك حسن جریانیه حلیپذیر اوله رق بوجهت دخی مدعی عمومیلرك مسؤلیتی ایجاب ایتدیرر بناء علیه احکام قانونیه و وصایای سابقیه احاله نظر و دقت ایدیلرلك امور مأموره لرینجه قصور و تکسالی کوریلان مستنطقلره قانون

دائرهنده اختارات مدعی عمومی معاونلرینه ده تبلیغات و تنبیهات ایفاسی بالجله استیناف محاکمی مدعی عمومیلرکینه تبلیغ قلندینی کبی اشبو تحریراتك نسخ مطبوعه سی لفأ ارسال قلنمغه مقتضیات وظیفه نك تماماً بالاجرا حقوق عمومیه و شخصیه نك تطرق حللندن وقایه سنه صرف غیرت واعتنا ایدلسی سیاقنده شقه ترقیم قلندی .

قسم غیر رسمی

سیروز بدایت حکمه سندن تجارت صفقی وفی ۱۳ تموز سنه ۳۰۵ تاریخی و اوئوز القی نومروسی ایله ویریلان اعلامك تمیزی استدا ایدن درامه قصبه سنك و اروش محله سنده مقیم مارقو نیقوبولو ایله مدعی علیه سیروز قضاسنك قریقوه قریه سنده ساکن سمسار اطناش قوتین یوم معینه دائره به کمدکاری کبی جواب لایحه سی

دخی کوندرلماش اولدیفندن تدقیقات تمیزیه
اجراسنه ابتدار اولندی

اعلام مذکورک خلاصه مائی مزبور
مارقونک برقطعه سند موجب مرقوم اطناش
ذمتده الاجفی اولان ایکوز لیرانک تحصیلیه
اولیاده مدیون مرقومک اموالنه موضوع
حجزک تصدیقه دائر اولاً غیاباً و اعتراض
علی الحکم استدعاسی اوزرینه وجاهاً ذیخه
بدایت محکمه سندن تجارت صفیله صادر اولان
اعلامک عند الاستیناف فسخیله جریان ایدن
محاکات و تدقیقات استینافیه نتیجه سنده مستأنف
علیه مارقو جانبندن مدعا به اولان مذکور اجه
زراعه ویرلک اوزره مستأنف مرقوم اطناشه
ویرلدیکی و بوکا مقابل زراع طرفندن دخی
مستأنف علیه مارقویه توتون تسلیم ایدلیدیکی
مبرز شهادتنامه مندرجاتیله ثابت اولمسنه بناء
دعوی مذکورنک ردیله حجز واقمک فکته
حکمدن و مستدعی تمیز مارقونک اشبو حکم
علینده لایحه سنده محرر اعتراضاتک خلاصه سی
خصمک علینده اوله رق بدایت محکمه سندن
استحصال ایدیدیکی اعلام غیابی علینده اعتراض
علی الحکم استدعاسی اعطا ایدوب عر ضحال

مذکورک قبوله محکمه جه قرار ویرلش ایکن
عند الاستیناف اعلام ابتدائیک نقصانی تدقیقاته
مستنداً فسخ ایدلمسی و ویریلان حکمک بر ماده
قانونیه به استناد ایدلکسزین سنده قارشو شهود
استماع قلمسی مغایر قانون اولدیفندن بمحله
اعلامک قضی استداسندن عبارت بولمشدن
ایجابی مذاکره اولندقدده اعلام مذکور
مطالعہ سندن منضم اولدینی اوزره بدایت
محکمه سی اعلام سنده اعتراض علی الحکم
عر ضحالک مدت قانونیه سی ظرفنده ویریلوب
ویرلیدیکی و شرائطی حقنده بر قرار دخی
اولدینی عند الاستیناف مستأنف طرفندن ادعا
قلمسی اوزرینه اعلام مستأنف به فسخ ایدلش
ایسه ده اعلام ابتدائیده بو باده قرار اولدینی
کبی حکم استینافیک دخی بر ماده قانونیه به استناد
ایدلماسی و اظهار حقه مدار اولق اوزره
شاهدلر محکمه به جلب اولنماسی و تدقیقی طلب
ایدیلان دفترلر دخی محکمه جه کتوردیلرک
بالتدقیق اکا کوره حکم اولنسی ایجاب ایدرایکن
دفترلرک دخی جلب و تدقیق ایدلماسی مغایر
قانون اولدیفته و مستدعی مارقونک اعتراضی دخی
بوجهته متدائر اوله رق شایان قبول بولندیفته
بناء اصول محاکمه حقوقیه قانونیک ایکوز اوتوز

ایکسیمی و ایکوز قرق برنجی ماده لری موجب
اعلام مذکورک نقضیله قانون مذکورک ایکوز
قرق درنجی ماده سی حکمنه توفیقاً کیفیتک
صور محرره دائره سنده یکیدن اعلامه ربطی
ضمننده محکمه مذکوره به اعاده سنه و زیرده
مقرداتی مرقم اوچوز طقسان طقوز غروش
اونپاره مصارف تمیزیه نک ایلروده حقسنر
چیقه جق طرفه رجوع ایتمک اوزره اول امرده
مستدعی مرقومدن النسنه ۲۷ تموز سنه ۳۰۶
تاریخنده متفقاً قرار ویرلدی .

قیوده قوللق زقاغنده اون نومرولی خانه ده ساکن
رژی مأمورلرندن اسپرو و استاوری و ارستودولی
واوانطیه دن یالکر استاوری و ارستودولی ایله
مزبوره واوانطیه قادینک و کیلی یاقو ماموبلو
افندی کله رق دیگرلری کلدکلرندن ایضاحات
شفاهی لری استماع قلندقدن صکره تدقیقات
تمیزیه اجراسنه ابتدار اولندی

اعلام مذکورک خلاصه مائی مرقوم
اندریا بطریقہ نک مزبوره فوطینی قادینک زوجی
مانول ذمتده محکوم به و با دفتر مطلوبی اولان
معلوم المقدار مبالغدن طولابی تحت حجزه
الیرمش اولدینی معلوم القطعات املاک کندوسنک
مالی اولدیفندن بمحله متوفای مزبوره نک حال
حیاتنده اقامه ایدیدیکی فک حجز دعواسندن
طولابی حجز موضوعک تصدیقه دائر ازبید
بدایت محکمه سندن صادر اولان اعلام ایله
مذکور اعلامک یالکر متوفای مرقوم مانولک
ورنه سندن اوغلی استاوری به تبلیغی کفایت
ایده جکنه دائر محکمه مرقومه دن اخیراً صادر
اولان اعلام علینده حال حیاتنده مزبوره
فوطینی قادین جانبندن وقوعبولان استیناف
دعواسی اوزرینه مستأنف علیه بطریقہ اعلام

محکمه استیناف حقوق قسمندن ۱۷ مارت
سنه ۳۱۰ تاریخی و درت عددی ایله صادر
اولان اعلامک تمیزینی استدعا ایدن ازبیده
بغدای میداننده ساکن یونان دولتی تبعه سندن
دقیق فابریقه طوری اندریا بطریقہ نک و کیلی نظرت
حجریان افندی ایله مدعی علیهم متوفی اتمکچی
مانول زوجہ سی فوطینی قادین ورنه سندن قوم

اولك مزبورہ فوطینی قادین ایلہ سائر ورثہ ۷
تشرین ثانی سنہ ۹۷ تاریخندہ تبلیغ قلمغله مدت
استینافیک مزبور ایلدیکنی ادعا ایتمش ایسده
بوجهت حقندہ کی ادعاسی بالتدقیق رد ایلدکن
صکرہ مرقوم بطریقہ نک مجاوبہ دن امتناعی
اوزرینہ غیاباً سبق ایدن محاکمہ املاک
محجوزہ دن خانہ وفرونک مزبورہ فوطینی قادین
عہدہ سندہ ایدوکی ابراز اولنان درکنار واملاک
مذکورہ نک الاجنی مقابلندہ فروختی حقندہ
مرقوم اندریا طرفدن اقامہ اولنان دعوانک
ردینی حاوی مقدما استینافاً صادر اولان اعلام
مندرجاتیلہ ثابت اولسنہ مبنی عند الاستیناف
مرقوم اندریا بطریقہ نک خانہ ایلہ فرون حقندہ کی
ادعاسنک ردینہ دائر غیاباً صادر اولان اعلام
علیندہ مرقوم اندریا بطریقہ جانبندن وقوع
بولان اعتراض اوزرینہ یالکز فک حجز حقندہ کی
قرارینک تصدیقلہ محجوز خانہ وفرونک فوطینی
قادینہ تسلیمہ دائر اولان جہت حکمیہ سنک
فسخنہ دائر لاحق اولان اعلام استینافینک تمیزاً
اجرا قلنان تدقیقاتی نتیجہ سندہ مدت استینافیہ
حقندہ اولان قرارینک تصدیقہ و ذات
دعوی املاک حجزندن متولد اولسیلہ بونک
اثنای رؤیتندہ اجنیلرک دخی تبعہ عثمانیہ

مؤکلنک دعوی حاضرہ نظر تبعہ دولت
علیہ صفتیلہ مراجعت ایتمی لازم کله جکی بیانیلہ
بوابدہ سفارت تقریرینک اعتراض علی الحکم
عرضحالی مقامندہ عدم قبولنہ قرار ویریلوب
حالبوکہ تمیزک قرار سابق وجهلہ اساس مادہ
حقندہ یکیدن تدقیقات اجرا اولنامسی مغایر
قانون اولدیفندن بحثلہ اعلامک تقضی ومدعی
علیمندن اوانطیلہ قادینک وکیلی یاقو مامویلو
افدینک و مرقومدن اسپرو واستوری طودوری
وارستودولینک لایحہ لرنده محرر نتیجہ اجوبہ سی
دخی ذات دعوی حقندی بتکرار استینافاً
تدقیقات لازمہ نک اجراسی اولبابدہ کی اعتراض
عرضحالینک قبولندن صکرہ اولہ بیلوب استدعای
مذکورک ایسہ سفارت تقریریلہ وقوعبولسندن
ناشی ردی لزومی حکمہ تمیز قرارندہ کوسرلمش
اولسیلہ عند الاستیناف استدعای مجحوث عنہانک
ردینہ قرار ویرلسی موافق اصول وقانون
اولدینی بیانیلہ اعتراضات واقعہ نک ردی واعلام
مذکورک تصدیقی طلبندن عبارت بولنمشدر
ایجابی لدی المذاکرہ تمیزی طلب اولنان
اعلام مذکور مألندن اکلشایدینی اوزرہ مقدما

عند الاستیناف صادر اولان اعلامک اساس
مادہ حقندہ تدقیقات لازمہ نک اجرا قلماسندن
ناشی تمیزاً تقضیلہ کیفیتک بتکرار رؤیت اولنق
اوزرہ حکمہ استینافیہ اعادہ اولنسنہ کورہ حکمہ
مرقومہ جہ قرار مذکور دائرہ سندہ کیفیتک
رؤیت وتدقیقلہ اساس مادہ حقندہ برحکم
ویرلسی اقتضا ایدر ایکن بوراسی نظر دقتہ
التمیرق مقدما تبعہ عثمانیہ صفتیلہ مراجعت
اولنامسنک سبب اتخاذیلہ اعتراض علی الحکم
استدعاسنک ردینہ قرار ویرلسی مغایر اصول
وقانون بولنمش ومستدعی اندریا بطریقہ نک وکیلی
حجریان اقدینک باشلوجہ اعتراضی دخی بوجهتہ
متدائر اولہرق شایان قبول کورنمش اولدیفندن
اصول محاکمہ حقوقہ قانوننک ایکوز اتوز
ایکینجی مادہ سی موجبہ اعلام مذکورک تقضیلہ
قانون مذکورک ایکوز قرق دردیجی مادہ سی
حکمہ توفیقاً کیفیتک یکیدن بالرؤیہ اعلامہ ربطی
ضمنندہ حکمہ مرقومہ یہ اعادہ سنہ وزیردہ
مفرداتی مرقم درتیوز سکسان بش بچق غروش
مصارف تمیزیہ نک ایلرودہ حقسنر چیقہ حق طرفہ
رجوع ایتمک اوزرہ اول امردہ مستدعی اندریا
بطریقہ دن اخذ واستیفاسنہ ۲۷ کانون اول سنہ

۳۱۰ تاریخچه متفقاً قرار ویریله رک قهیم
تلدی .

بغداد استیناف محکمه سندن ۳۰ مایس سنه
۳۰۹ تاریخی و طقوز عددی ایله صادر اولان
اعلامک تمیزی دفتر خاقانی نظارت جلیله سنه
اضافه بغداد دفتر خاقانی مدیری طرفندن باعریض حال
استدعا قلمش و یوم موبینه نظارت مشار الیها
وکیلی حسن تحسین افندی ایله مدعی علیه ناصریه
قصبه سنده مقیم سعدونی سلیمان بک زاده محمد
بک وکیلی الیاس رسام افندی ورود ایتمش
اولسیله ایضاحات شفاهیه لریله باش مدعی عمومی
معاونلرندن سعادتلو یورغاکی افندی بک مطالعه سی
استماع قلدقندن صکره تدقیقات تمیزی به اجرا سنه
ابتدار اولندی .

اعلام مذکورک خلاصه مالی مومی الیه
محمد بکک حی قضاسی داخلنده واقع باطابو
عهده تصرقدنه بولسیدی اصولاً ثابت اولان

معلوم الحدود اراضیسنه دفتر خاقانی اداره سی
طرفندن وقوعبولان مداخله نك منعی حقنده
حی قضاسی بدایت محکمه سندن صادر اولان
اعلام عابنده اداره مذکوره طرفندن استیناف
دعواسی اقامه ایدلش ایسده شرائط استینافیه
جمله سندن اوله رق مدیریت مذکوره دن ویرلش
اولان کفالت سندینک مقام دفتر داریدن تصدیقی
لازم کلور ایکن یالکر دفتر خاقانی مدیریتی
طرفندن تصدیقی یولسز اوله رق بناء علیه کفالت
نامه مذکورک شایان قبول اولدیغندن وشو
حاله شرائط استینافیه مفقود اولدیغندن استدعا
مذکورک ردینه حکمدن ومستدعی نظارت
مشار الیها وکیلنک اشبو حکم عابنده کی
اعتراضاتنک باشلوجه سی مجهوت عنه کفالت سندی
مقام رسمیدن مصدق ومستأنف علیک مصارف
محاکمه وسائر ضرر وزیاننک تأمیننه کافی
وقانوناً معتبر ایکن محکمه جه قبول ایلامسی
مغایر قانون اولدیغندن بحثله اعلامک نقضی
استدعا سندن ومدعی علیه وکیلنک نتیجه جوابی
بومثللو کفالت سندلرینک مقام دفتر داریدن
تصدیقی مطلق اولوب حتی اداره مذکوره
بویوله کی نقصاتی اکلایه رق تمیزاً ویردیکی
کفالتنامه یی مقام مذکوره دخی تصدیق ایتدیرمش

اولدیغندن اعتراضات مسروده نك ردی و اصول
وقانونه موافق اولان اعلامک تصدیقی طلبندن
ومعاون مومی الیهک مطالعه سی دخی استیناف
استدعاسنه مربوط اولان کفالت سندینک جانب
دفتر داریدن غیر مصدق اولسندن طولایی ردینه
قرار ویرلش ایسده بومقوله کفالت سندلرینک
دفتر دارلر جانبندن تصدیقی لزومه دائر بر ماده
قانونیه کوسترلماش و شرائطک نقصانی حالنده
اکالی ایچون مدت استینافیه باقی اولوب اولدینی
تدقیق وتصریح ایدلماش اولسنه مبنی اعتراضات
واقعه نك موافق قانون اولدینی بیانندن عبارت
بولمشدر

ایجابی مذاکره اولسندقه اعلام مذکور
مندرجاتندن اکلاشلدینی اوزره استیناف
محکمه سنجه شرائط استینافیه دن اولان کفالت
سندینک مقام دفتر داریدن مصدق اولدینی
وبناء علیه شایان قبول کوریله مدیکی جهتله
استیناف استدعاسنک ردینه قرار ویرلش ایسده
مستأنف علیک ضرروزیان ومصارف محاکمه سی
تأمیندن عبار اولان کفالتنامه لرك حکم قانون
ایجابجه بر موقع دسمیدن ولاسیمیا افراد ایله

حکومت پیننده کی دعوالرده ویرلسی لازم کلان
کفالت سندلرینک او دائره نك محاسبه وصندوق
مأمورلری طرفندن تصدیقی مقتضی اولوب دفتر
خاقانی به عائد بویوله کی کفالتنامه لرك دفتر دارلر
طرفندن تصدیقنه دائر بر صراحت قانونیه
بولنامسی وبوبابده ویریلان سندک صندوق
مأموری ایله دفتر خاقانی مدیری طرفلرندن
مصدق بولنمی مقصد قانونی حاصل ایلش
اولسنه نظراً محکمه مذکوره جه بوراسنه دقت
اولنقسزین سند مذکورک هر حالده دفتر دار
جانبندن تصدیقی لزومه ذهابله رد استدعا به
قرار ویرلسی یولسز وقانونه مغایر اولدیغنه
ومدعی عمومینک مطالعه سی دخی بوجهته متدائر
اوله رق شایان قبول کورنیکنه بناء اصول
محاکمه حقوقیه قانوننک ایکوز قرق برنجی
ماده سی موجبجه اعلام مذکورک نقضیه قانون
مزبورک ایکوز قرق دردنجی ماده سنه توفیقاً
کیفیتک یکیدن بالرؤیه اعلامه ربطی ضمیمه محکمه
مذکوره به عاده سنه وزیرده مفرداتی مرقم درتیوز
اون طقوز بحق غروش مصارف محاکمه نك
ایلروده حقسز چقه حق طرفه رجوع ایتک
اوزره اول امرده دفتر خاقانی نظارتندن النسنه

۲۸ اغستوس سنه ۳۱۱ تاریخچه متفقاً قرار
ویریلرک تفهیم قلندی .

قرتال بدایت محکمه سندن ۲ مایس سنه
۳۱۰ تاریخ و سکنز عددی ایله صادر اولان
اعلامک تمیزی مالیه قریه سنده اسکله یولنده
مقیم باغچوان پاندهلی اوغلی یورکی با عرضحال
استدعا ایتدیکی حالده یوم معینده دأثریه کلیوب
مدعی علیه قریه مذکورده ساکن بوستانچی
اصنافدن قره طاغلی یانی ولد یوانک ورود ایتیش
اولسیله ایضاحات شفاهی سی استماع قلندقدن
صکره اعلام مذکورک طرفینک اعتراض وجواب
لایحه لریله بالمطالعه تدقیقات تمیزیه اجراسنه ابتدار
قلندی

اعلام مذکورک خلاصه مالی مرقوم یانی
یدی مجیدیه بدل مقابلنده ایکی قبایق فدائی
یتشدیروب موسم ذرعه کندیوسنه تسلیم ایتک

اوزره مرقوم یورکی ایله عقد مقاوله ویکرمی
بش فروش دخی پیشینا پی آچقه سی اعطا
ایلدیکی حالده مرقوم یورکی مذکور فدانلری
اخیره بیع وفروخت ایتیش اولدیغندن بختله بویوزدن
محروم قالمش اولدینی تمعک ارباب وقوف
طرفندن کشفیه تبیین ایدن مبالغک مرقوم
یورکیدن تحصیلنی ترجان حضوریه طلب ودعوی
ایتمسینه قارشو مدعی علیه مرقوم یورکی دخی
مدعی مرقومک ادعای مذکورینی وی آچقه سی
الدینی انکار ایتیش ایسه ده اولباده جریان ایدن
محاکمه و تدقیقات نتیجه سنده مدعی علیه یورکینک
یواندن پی آچقه سی اوله رق یورکی بش فروش الدینی
ومذکور فدانلری موسم ذرعه ده تسلیم ایده جکی
اقامه واستماع اولنان شهودک شهادتیه تحقق
ایدوب مذکور قبایق فدانلرینک تسلیم ایدلامسندن
ناشی مدعی یوانک بیک سکنز یوز فروش ضرره
دوچار اولدینی درسعات باغچوان کتخدالغک
اجرا ایتیش اولدینی کشف راپوری مندرجاتندن
اکلا شلمش اولغله بر موجب راپور بیک سکنز
یوز فروش ضررک مرقوم یورکیدن تحصیلنه
حکمدن ومستدعینک اشبو حکم علیهنده
لایحه سنده محرر باشلوجه اعتراضی حکم واقعک
برماده قانونیه استناد ایدلمی اقتضا ایدر ایکن

مستدعی تمیزدن اخذینه ۲۵ تشرین ثانی سنه
۳۱۱ تاریخچه متفقاً قرار ویرلدی .

محکمه جه بوراسی نظر دفته الخامسی مغایر قانون
اولدیغندن بختله اعلامک نقضی استداسندن
ومدعی علیه لایحه سنده مندرج نتیجه جوابی
دخی حکم مذکور موافق اصول وقانون اولدینی
بیانیله اعتراض واقعک ردی واعلامک تصدیق
طلبندن عبارت بولمشدر

ایجابی مذاکره اولندقدن اعلام مذکور
مألندن اکلا شلدینی اوزره قره طاغلیلرک
محاکمه سنده ترجان بولندیرلمی لازم کلدیکی
حالده بوخصوصک محاکمه سنده محکمه مذکورجه
ترجان بولندیرلمی یولسز اولدینی کبی استماع
اولنان شاهدلرک شهادتی دخی دعوی مذکورینی
اثباته غیر کافی ایکن شهادت مذکورنک قبولیه
بویولده حکم ویرلمی مغایر قانون اولدیغندن
اصول محاکمه حقوقیه قانوننک ایکوز قرق
برنجی ماده سی موجبجه اعلام مذکورک نقضیه
قانون مذکورک ایکوز قرق دردنچی ماده سنه
توفیقاً کیفیتک صور مشروحه دأثره سنده بالرؤیه
اعلامه ربطی ضمنده محکمه مذکوریه اعاده سنه
وزیرده مفرداتی مرقم اوچیوز سکسان درت
بحق فروش مصارف تمیزیه نک ایلروده حقسنز
چیقه جق طرفه عائد اولق اوزره اول امرده

شام شریف تجارت محکمه سندن ۱۱ تموز
سنه ۳۱۱ تاریخی وسکسان سکنز عددی ایله
ویریلان اعلامک تمیزی استدعا ایدن شام
شریفده مقیم سردار غلام محمدخان طرزی ایله
محمد امین شیخ نجیب افندی یوم معینده دأثریه
کلدکارندن باش مدعی عمومیلک مأموریت
علیه سنک مطالعه نامه سی الهرق تدقیقات تمیزیه
اجراسنه ابتدار اولندی

اعلام مذکورک خلاصه مالی مومی الیه
شیخ محمد امین افندیکن مومی الیه محمد خان
طرزی ذمتده امره محرر جیرولی بر قطعه سند
موجبجه متبایق الهجنی اولان اوچییک ایتیش
ایکی غروشک تحصیلنی طلب ودعوی وسبند
مذکور ی ابراز واعطا ایتسنه قارشو مدعی علیه
مبرزسند زیرنده کی امضا ومهر کندوسنک اولدینی

اقرار ايله برابر مدعى به بر كونه دينى اوليوب
 شو سندده محرر اقرار بالكتابه سندده كاذب
 اولدينى بيان و بناء عليه سند مذكورك حامل
 اولى اولان سيد محمد عليمك جليله اشبو
 اقرارنده كاذب اولديغنه دائر اجراى تخليف
 لزومنى طلب و تذكر ايتمش ايسهده مدعى عليه
 مرقومك مهر و امضاسى اقراردن صكره انكاره
 تصديسى قانوناً شايان اعتبار اولدينى كى اجراى
 تخليف حقنده كى طلبى دى نايحل كورغمش
 اولسنه مبنى مدعى عليك مدافعه سنك رديله
 محله نك بىك التيوز اونجى ماده سى موجبجه
 سند مذكورك بقاء بدلى اولان اوچييك ايتمش
 ايكي غروشك موسى اليه محمد خان طرزيدن
 تحصيله حكمدن واشبو حكم عليهنده مستدعى
 تميزك لايحه سندده محرر باشلوجه اعتراضى مستند
 ادعا اولان سنك وعده سى غير معلوم بولنمش
 اولسنه كوره دعواى واقعه محاكم تجارتك وظيفه سى
 خارجنده اولديغنه دائر انشاي محاكمه ابتدائيهده
 درميان ايلديكى اعتراضك درون اعلامده
 تصريح اولنماسى و اجراى تخليف حقنده كى
 طلبنك بلا سبب قانونى رد اولنمى مخالف
 قانون اولديغندن بحثله اعلامك نقضى استداسندن
 و مدعى عليه شيخ محمد امين افنديك لايحه سندده

محرر شعبه جوابى حكم واقع اصول
 و قانونه موافق اولدينى بيانيله اعتراضات
 مسروده نك ردى و اعلام مذكورك تصديقى
 طلبندن و سالف الذكر مطالعه نامه مندرجاتى
 دى مستند ادعا اولان سند حكم اعلامنده
 خلاصه محكمى اولدينى وجهله شرائط قانونيه بى
 جامع سندات متنازعه دن معدود اولدينى كى
 بوبابده عند الحاكمه واقع اولان اعتراضك نظر
 اعتباره التمدينى حقنده كى اعتراضى دى
 مندرجاتى قانوناً محقق عد اولنان اعلامه قارشو
 غير وارد اولديغندن وظيفه حقنده سرد ايديلان
 اعتراضك موافق قانون كوريله مديكنك بيانندن
 عبارت بولنمشدر

ايجابى مذاكره اولسندقه اول امرده
 مستدعينك وظيفه حقنده كى اعتراضى غير وارد
 اولسنه مبنى ردى قرار كبر اولدقدن صكره
 اساس ماده بالتدقيق اعلام مذكور مآلندن
 اكلا شلدينى اوزره مستند ادعا اولان سند
 هر قدر امره محرر ايسهده جبرونك عبارده سندده
 آنچه نك جهت استيفاسى كوسترلامش اولدينى
 جهتهله واقع اولان جبرو و كالت حكمنده
 اوله جفته كوره حامل تائيلرينه حامل اولك و كلى
 نظريه باقلى لازم كلديكى و بوضورتده مديون

طرفندن حامل اوله قارشو درميان اولنان دفعك
 محكمه جه تدقيق مقتضى اولدينى حالده بوجهتك
 نظر دفته التمسرين حكم اولنمى بولسز و اصول
 و قانونه مغاير اولديغندن اصول محاكمه حقوقيه
 قانونك ايكيوز قرق برنجى ماده سى موجبجه
 اعلام مذكورك تفصيله قانون مزبورك ايكيوز
 قرق دردنجى ماده سى حكمه توفيقاً كيفيتك
 بوجه مشروح يكيدين بالرؤيه اعلامه ربطى
 ضمننده محكمه مذكوره به اعاده سنه و زبرده
 مفردانى مرقم اوچيوز اوتوز درت بحق غروش
 مصارف محاكمه نك ايلروده حقسن چيفه حق
 طرفه رجوع ايتك اوزره اول امرده مستدعى تميز
 محمد خان طرزيدن اخذينه ۱۱ مارت سنه ۳۱۲
 تاريخنده متفقاً قرار و يرلدى .

اعلام مذكورك خلاصه مالى مرقوم
 قره بتك سلفى اولان متولى سابق بدوس
 نام كمسنه ديار بكرك فاتح پاشا محله سندده واقع
 معلوم الحدود و المشتملات بر باب خانه ايله
 اتصاليده كى بر باب اخورى ارمنى ملهى چوربا
 خانه سچون معامله فراغيه سى اجرا اولنقى
 شرطيله يكرمى بىك غروش ثمن ايله مزبوره
 آتته قاذبك پدرى مغديسدن مبايعه ايتلش
 اولديغندن بحثله مذكور خانه ايله اخورك
 بالتخليه طرفه تسليمى و معامله فراغيه سنك اجرا
 ايدلسنى طلب و دعوى و بر قطعه مبايعه سندن
 ابراز و اعطا ايتسنه قارشو مرقوم مغديس دى
 بويولده يالكز سندله بيع صحيح اولدينى كى
 كندوسى ثمن ميبى دى قبض ايتديكى مدافعه
 درميان ايتمى و شخص ثالث صفتيله داخل
 دعوى اولان آتته قاذبن دى منازع فيه خانه

ديار بكر بدايت محكمه سندن ۲۹ تشرين اول
 سنه ۳۱۰ تاريخى و التمش بش عددى ايله صادر
 اولان اعلامك تميزينى استندا ايدن ديار بكر
 قصبه سنك ملا بهاء الدين محله سندده ساكن

واخوری مع مشتملات با حجت شرعیه مرقوم
مغیدیدن کندوسی اشترا ایلدیکنی و بلا سندن
رسمی املاک تصرفی ممنوع بولندینی جهتله
عقد اولک حکمی مفسوخ ایدوکنی مدافعه
بیان ایلسی اوزرینه جریان ایدن محاکمه
وتدقیقات تبعه سنده عاقدین برحیات اینک میانه
سندیلله ملکک عقد بیعی معتبر طوتیله میه جفی
دفتر خاقانی نظارت جلیله سنک ۷ شباط سنه
۹۸ تاریخی تحریرات عمومیه سی احکامندن
اولدیغه و مذکور خانه و اخورک مع مشتملات
مزبوره آتیه قادینه بیع صحیح ایلله بیع ایلدیکنی
محکمه شرعیه جه مصدق حجت شرعیه به مربوط
بولغله بیع بات مذکورک معتبر اولدیغه مبنی
مدعینک اولبابده کی ادعاسنک ردیله حجت شرعیه
احکامجه معامله رسمی بیعه نك اجرا سنده حکمندن
و مستدعی تمیز قره بک اشبو حکم علیهنده
لایحه سنده محرر باشلوجه اعتراضی انشای
محاکمه مدعی عمومینک حاضر بولنسی لازم
کلورکن بولندیرلامسی و بیع اول هر قدر سندن
رسمی به مستند دکل ایسه ده طرفین بیننده تنظیم
اولان عادی سنده مستند اولسنه نظراً بیع
مذکورک معتبر اوله جفی درکار اینک محکمه جه
بوراسنک نظر دفته التماسی مغایر قانون

اولدیغندن بحثله اعلامک تقضی استدعاسندن
ومدعی علیها نك نتیجه جوابی دخی اعتراض واقع
واهی ایدوکی بیانیه ردی و موافق قانون اولان
اعلامک تصدیق طلبندن و مذکور مطالعه نامه نك
مؤداسی دخی دعوی واقع منافع عامیه متعلق
اولسنه نظراً تشکیلات محاکم قانوننک ماده
مخصوصه سنه توفیقاً انشای رؤیتده مدعی
عمومینک حضور یله مطالعه سنک استماعی لابد
اولدینی حالده بولزوم قانونیه رعایت اولنماش
ونقصان مذکور ایسه تشکیک طرفیه تعلق
ایدرک معاملات متعاقبه نك انفساخنی موجب
احوالدن بولنمش اولدیغندن لایحه ده بوجهی
متضمن اوله رق سرد ایدیلان اعتراضک موافق
قانون اولدینی بیانندن عبارتدر

ایجابی لدی المذاکره اعلام مذکور
مطالعه سندن منضم اولدینی انشای محاکمه ده
مدعی عمومی بولندیرلیدینی کی تاریخ سابقه ادا
اولان بیع اولک هر قدر سندرسمی به ربط اولنماش
ایسه ده مابینلرنده تنظیم ایلدکری سنده ربط
ایدلش اولسنه نظراً سند مذکور حقیقه
تدقیقات لازمه اجرا وشهود استماع اوله رق
بر حکم و قرار ویرلک اقتضا ایدرکن دفتر خاقانی
نظارتنک تحریرات عمومیه سنه بناءً بیع مذکورک

فسادینه حکم اولنسی مخالف قانون اولدیغندن
اصول محاکمه حقوقیه قانوننک ایکوز قرق
برنجی ماده سی موجبجه اعلام مذکورک نقضیه
قانون مزبورک ایکوز قرق دردنجی ماده سی
حکمنه توفیقاً کیفیتنک بالرؤیه اعلامه ربطی
ضمننده محکمه مزبوره به اعاده سنه وزیرده
مفرداتی مرقم اوچوز یتشیدی بحق فروش
مصارف تمیزی نك ایلروده حقسنر چیه جقی
طرفه رجوع ایتک اوزره اول امرده مستدعی
قره بندن اخذ واستیفاسنه ۳۰ مارت ۳۱۲ تاریخنده
متفقاً قرار ویرلدی .

موجبجه اقامه ایلدیکنی ایکوز یکریمی لیرا مطلوبات
وتصدیق حجز ادعاسی بیک اوچوز اون درت
سنه سی تشرین ثانینک اوچوزنجی بازار ایرتسی
کونی ساعت التیده فصل رؤیت اوله جفندن یوم
ووقت مزبوره مدعی علیه مرقوم نیقوله
پرودرو موسک بالذات ویاخود طرفندن مصدق
سندله محکمه مذکورده حاضر بولنسی لازم
کله جکی وشاید کلز و وکیل دخی کوندرمز ایسه
حقننده معامله غیایه نك اجرا اوله جفی معلوم
اولقی اوزره تنظیم اولنسان دعوتیه ورقه سی
محکمه نك دیوانخانه سنه تعلیق اولدینی کی اوراق
حوادث واسطه سیله دخی اعلان قلندی .

۵ رجب سنه ۳۱۶

۷ تشرین ثانی سنه ۳۱۴

اعلان

بالق بازارنده ارسلان خاننده ۱۶ نومروده
مقیم تبعه دولت علیه دن وتجاردن یانی موچا کینک
غلطاده فرمنه جیلر جاده سنده ۱۰۲ نومرولی
خویارجی دکاننده ساکن اینک بوکره اقامتگاه
مجهول بولندینی محل مذکور روم مختاری
طرفندن بیان اولان تبعه دولت علیه دن نیقوله
پرودرو موس علیه نه درسعات ایکنجی تجارت
محکمه سنده ایکی قطعه پولیجه ودفتر تجاری

عاده ظفر خاننک نجیب بک ذمتده محکوم به
اله جفی اولان مبالغت تأمین استیفاسی ضمننده
مدیون مومی الیهک متصرف اولدینی اناطولی
حصارنده کوچوک صو نام موقعنده اورته بوستان
دیملکه معروف بوستانک نصف حصه شایعه سی
تحت حجزه الهرق لدی المزایده یکریمی بر بیک

ضمینده بك اوغلنده طاطاولده غیطانجی زقاغنده
مكرر اون بش نومرولی متصرف اولدینی برباب
خانه سنك حجزیله فروختی داین طرفندن وقوع
بولان طلب واستدعا اوزرینه تحت قراره انمش
اولدیغندن تاریخ اعلاندن اعتباراً اون بش کون
صكره بالمزایده فروخته نشبت اولنه جفی بك
اوغلی اجرا مأموری جانبدن اعلان اولنور .
۲۷ تشرین اول سنه ۳۱۴

بنایوطك اولیا قادین ذمتنده محكوم به
اله جفی اولان مبالغك تأمین استیفاسی ضمینده
مدیونه مزبورده مك متصرف اولدینی طاطاولده
یكی محله زقاغنده قرق سكر نومرولی برباب
خانه سی تحت حجزه الهرق لدی المزایده التي بیک
غروش التون آچه بدل ایله طالبی عهده سنده
تقرر ایتمش اولدیغندن تاریخ اعلاندن اعتباراً
اوتوز بر کون ظرفنده یوزده بش ضمیمه طالب
اولنلرك بك اوغلی اجرا دائره سنه مراجعت
ایتملی اعلان اولنور .

۲ تشرین ثانی سنه ۳۱۴

مطبعة طاهره

غروش التون آچه بدل ایله وطوبخانه ده فیروز
اغا محله سنده صره سرویلر جاده سنده بر واوج
ویدی نومرولی دکان وبش نومرولی قیو محلی
وطقوز نومرولی خانه وبر ماصوره ماء لذید ایله
اخورزقاغنده اونیدی نومرولی حطبلیق واون طقوز
ویکرمی بر ویکرمی اوچ نومرولی ایکی باب
دکان ایله برباب آرابه لقی ویکرمی بش نومرولی
قیو محلك سكر حصه اعتباریله بر حصه شایعه سی
لدی المزایده یکرمی بر بیک غروش التون آچه
بدل ایله وغلطه ده بایزید محله سنده قره اوغلان
زقاغنده مكرر یکرمی بش نومرولی ایکی باب خانه
ایله ایکی باب دکان و بر نومرولی خانه و ایکی
نومرولی فرون لدی المزایده سکسان ایکی بیک
غروش التون آچه بدل ایله طالبلری عهده سنده
تقرر ایتمش اولدیغندن تاریخ اعلاندن اعتباراً
اوتوز بر کون ظرفنده یوزده بش ضمیمه طالب
اولنلرك بك اوغلی اجرا دائره سنه مراجعت
ایتملی اعلان اولنور .

۲۶ تشرین اول سنه ۳۱۴

نمروز قادینك دیقران اغویسیان ذمتنده
محكوم به اله جفی اولان مبالغك تأمین استیفاسی